

Nplooj Ntawv Ntawm Daim Ntawv Pov Thawj

Tus Neeg Tus ID:	Daim Ntawv Thov #:
------------------	--------------------

Nyeem txhua kab ntawv ntawm nplooj ntawv no ua ntej kos npe rau daim ntawv thov. Yog tias koj tsis nkag siab ib kab ntawv twg, nug kev pab ntawm tus neeg ua hauj lwm.

1. Kuv nkag siab tias kuv yuav muaj lub luag hauj lwm los muab txhua cov ntaub ntaub ntawv uas xav tau hauv 30 hnub txij li hnub txais daim ntawv thov los sis daim ntawv thov tau txais kev xam thiab yuav tsis raug lees paub. Tej zaum kuv tuaj yeem rov thov tau dua tab sis yuav tsum muaj daim ntawv thov tshiab.
2. Kuv nkag siab tias kuv muaj lub luag hauj lwm tshaj qhia cov npe ntawm tag nrho cov neeg uas nyob ntawm kuv qhov chaw nyhob thiab tus nab npawb Xaus Saus thiab qhov nyiaj khwv tau los ntawm tag nrho cov neeg hauv kuv yim neeg. Tsoom fww txoj cai lij choj tsis txwv kev suav sau cov nab npawb Xaus Saus thiab yog cov ntaub ntawv xav tau rau kev soj taug qab cov neeg thov cov txiaj ntsig uas tau txais los ntawm Lub Khoos Kas no. Kev muab tsis tau tej ntaub ntawv qhia paub no yuav ua rau kev lis kuv daim ntawv thov qeeb thiab tsis muaj peev xwm yuav txiav txim tau txog qhov nyiaj yuav tau txais rau cov txiaj ntsig nyiaj pab.
3. Kuv nkag siab tias kuv muaj lub luag hauj lwm txog kev siv cov nyiaj them tuaj uas kuv tau txais los them rau cov nqi kev ua cua sov/hluav taws xob rau qhov chaw nyob uas tau teev tseg hauv kuv daim ntawv thov los sis rau kev them rau cov nqi kev ua cua sov/hluav taws xob rau ib qhov chaw nyob ruaj khov yam pem suab twg uas kuv yuav tsiv mus nyob rau hauv Wisconsin.
4. Kuv nkag siab tias kuv muaj cai thov cov txiaj ntsig Kev Pab Txog Fab Hluav Taws Xob thiab kom tau txais kev them nqi los sis tsab ntawv piav qhia tsis pub dhau 45 hnub txij hnub ua tiav qhov txheej txheem ua daim ntawv thov no. Kuv nkag siab tias tej zaum yuav ua tau qeeb txog kev them nyiaj los sis tsab ntawv piav qhia uas saib raws li thaum lub xyoo ntawm Qhov Txheej Txheem Pab Cuam pib thiab/los sis thaum cov kev them nqi tau txais kev lis.
5. Kuv nkag siab tias kuv muaj cai thov kev sib hais txog kev ncaj ncees tsis pub dhau 15 hnub tom qab tau txais tsab ntawv ceeb toom yog tias kuv ntseeg tias kuv daim ntawv thov Kev Pab Txog Fab Hluav Taws Xob tseem tsis tau muab lis kom raws sij hawm, tau txais kev tsis kam lees paub yam tsis raug lis raws laj txheej, los sis kuv qhov kev them nqi tsis raug lawm. Tsis tas li ntawd, kuv kuj tuaj yeem thov lub rooj sib hais txog kev ncaj ncees yog tias kuv tseem tsis tau txais kev them nyiaj los sis lus piav qhia. Kuv tuaj yeem thov txog lub rooj sib hais txog kev ncaj ncees los ntawm kev tiv tauj mus rau lub chaw lis hauj lwm hauv zej zog uas tau ua kuv daim ntawv thov vim tias kuv tau thov ncaj qha mus rau lawv lub chaw lis hauj lwm los sis tau xa daim ntawv thov hauv online mus rau.
6. Kuv nkag siab tias kuv muaj cai xa daim ntawv lus tsis txaus siab yog tias kuv ntseeg tias kuv tau txais kev ntxub ntxaug hauv ib txoj hauv kev uas tsis raug kev cai twg. Kuv tuaj yeem sau ib daim ntawv lus tsis txaus siab los ntawm kev tiv tauj tus neeg uas tau txais kev tso cai nyob hauv kuv lub cheeb tsam nroog los sis haiv neeg tsawg los sis xa ib tsab email mus rau heat@wisconsin.gov.
7. Kuv nkag siab tias thaum uas muab tej ntaub ntawv qhia paub rau hauv daim ntawv thov no lawm kuv tab tom tso cai rau Wisconsin Lub Chaw Hauj Lwm Saib Xyuas Kev Tuav Tswj thiab lawv cov neeg sawv cev uas tau txais kev tso cai los txheeb xyuas qhov tseeb txog cov ntaub ntawv uas muab piv rau tsoom fww teb chaws, lub xeev, cheeb tsam nroog, lub chaw pab cuam lub zog, lub chaw muab kev pab dej siv, tus tswv hauj lwm thiab tus tswv tsev cov chaw khaws ntaub ntawv thiab cov ntaub ntawv teev tseg.
8. Kuv nkag siab tias thaum muab cov nab npawb as khauj rau kuv (cov)lub chaw muab lub zog hluav taws xob rau kuv yim neeg lawm kuv tab tom tso cai rau (cov)lub chaw muab kev pab cuam lub zog los muab cov ntaub ntawv ntsiab lus ntxaws hais txog tus as khauj thiab kev siv lub zog mus rau Wisconsin Lub Chaw Hauj Lwm Saib Xyuas Kev Tuav Tswj rau lub hom phiav ntawm kev txiav txim siab txog kev muaj cai tau txais kev pab txog daim ntawv thov no thiab yav pem suab, kev txiav txim siab txog txiaj ntsig nyiaj pab, thiab kev ntsuas xyuas ntawm qhov txheej txheem pab cuam thiab kev tsoom xam suav nrog ua ntej thiab tom qab tau txais cov kev pab cuam txog kev ua kom huab cua zoo ib qho twg.
9. Kuv nkag siab hais tias cov cai, cov cai yuav tsum tau ua, thiab cov kev tso cai uas kuv tau lees paub rau hauv daim ntawv thov no kuj yuav siv tau rau ntau cov caij nyoog tsum ua cua kub, kev kub ntxhov, thiab cov kev siv lub qhov cub, thaum tau tsum tawm cov txiaj ntsig nyiaj pab ntxiv, thiab mus rau cov dej num kev nthuav dav.
10. Kuv nkag siab txog cov ntaub ntawv uas tau suav sau tseg ntawm qhov no thiab cov ntaub ntawv yav tom ntej yuav raug nthuav tawm rau kev uaj hauj lwm ntawm cov khoos kas hluav taws xob raws li Wisconsin Lub Khoos Kas Muab Txiaj Ntsig Pab Cuam Rau Pej Xeem Qhov Kev Tso Cai (Wisconsin Public Benefit Program Authority), Wisconsin Pawg Thawj Saib Xyuas Kev Pab Cuam Rau Pej Xeem Qhov Kev Pom Zoo (Wisconsin Public Service Commission Approval), los sis lwm cov khoos kas uas tswj hwm los ntawm Xeev Wisconsin thiab tej zaum yuav raug siv rau lub hom phiav ntawm kev xa mus, kev tshawb fawb, kev ntsuam xyuas, thiab kev txheeb xyuas.
11. Kuv nkag siab tias yog tias muaj cai tau txais cov txiaj ntsig nyiaj pab rau lub zog hluav taws xob, kuv yuav tau txais kev xa mus rau lwm cov txheej txheem pab cuam kev ua kom huab cua zoo hauv chaw nyob thiab/los sis lub zog hluav taws xob. Kuv tso cai rau lub chaw hauj lwm pab ua kom huab cua zoo los muab cov kev pab cuam ua kom huab cua zoo rau kuv qhov chaw nyob. Yog tias kuv tsis yog tus tswv ntawm qhov chaw nyob, kuv tso cai rau lub chaw ua hauj lwm pab ua kom huab cua zoo tiv tauj kuv tus tswv tsev thiab kuv yuav koom tes nrog lub chaw ua hauj lwm uas muab cov kev pab cuam ua kom huab cua zoo no.
12. Kuv nkag siab tias thaum thov kev pab cuam hluav taws xob kuv yuav raug tsis lees txais rau cov txiaj ntsig thiab/los sis yuav tsum tau thov hauv oos lais los sis hauv xov tooj yog tias kuv pom tus cwj pwm hem rau ib lub koom haum thiab/los sis tus neeg ua hauj lwm.

Kuv lees paub tias txhua cov ntaub ntawv uas tau muab los ntawm Wisconsin daim ntawv thov Lub Khoos Kas Pab Cuam Hloov Taws Xob Hauv Tsev yog muaj tseeb thiab ua tiav cov nqe lus tseeb. Tsis tas li ntawd kuv tseem lees paub tias kuv tau nyeem thiab nkag siab cov nqe lus hais saum toj no lawm. Kuv nkag siab tias tej zaum kuv yuav tsum tau muab cov ntaub ntawv pov thawj ntawm ib qhov chaw hauj lwm uas tau txais kev tso cai ntawm Wisconsin Lub Khoos Kas Pab Cuam Hluav Taws Xob Rau Hauv Tsev, tias kev muab cov ntaub ntawv tsis raug yuav ua rau siv tsis tau daim ntawv no thiab daim ntawv thov yav tom ntej thiab, yuav tsum tau xa cov txiaj ntsig tau txais rov qab thiab tuaj yeem yuav yuav ua rau kuv raug txim txhaum cai tau. Los ntawm kev ntaus kuv lub npe rau hauv kab 'Tus Neeg Ua Daim Ntawv Thov Lub Npe Kos', kuv qhia tias kuv yog tus neeg uas muaj npe, thiab nqe no sib luag zog nrog lub npe kos uas yus sau yus/siv tes sau raws kev cai lij choj lawm. Kuv kuj nkag siab tias kuv yuav tuaj yeem luam tawm cov ntaub ntawv no thiab kos npe tau ntawm kuv txhais tes.	
Tus Neeg Ua Daim Ntawv Thov Lub Npe Kos	Hnub Tim (hli/hnub/xyoo)

Yuav tsum muab daim ntawv thov xa mus rau lub chaw lis hauj lwm txog lub zog hauv zej zog

Lub chaw lis hauj lwm hauv zej zog qhov chaw nyob:	Txhawm rau tiv tauj koj lub chaw lis hauj lwm hauv zej zog, mus rau: https://energyandhousing.wi.gov/Pages/Home.aspx Xaiv cheeb tsam nroog/haiv neeg tsawg uas koj nyob rau los ntawm daim ntawv qhia kev los sis qhov mes nus rub nqis uas nrhiav tau nyob hauv phab vev xaib no.
----------------------------------------------------	---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

Daim ntawv thov no tuaj yeem muab ua kom siv tau hauv lwm hom ntaub ntawv rau cov neeg xiam oob qhab yog tias ho thov tuaj.